



Мұнайлы Өлке

Газет
2009 жылдың
01 мамырынан
шығады

«Маңғыстаумұнайгаз» акционерлік қоғамының газеті
№10 (51), қазан-қараша, 2013 жыл

2013 жылдың 07 қараша күні Қоғамымыздың Бас ғимаратында «Маңғыстаумұнайгаз» АҚ ұжымы 2013-2016 жылдарға арналған жұмыс берушімен ұжымдық келісім-шартқа салтанатты түрде қол қойды.



«Маңғыстаумұнайгаз» АҚ-да жаңа Ұжымдық шартқа қол қойылды

Қол қойылу рәсіміне «ҚазМұнайГаз» Ұлттық Компаниясы» Акционерлік Қоғамының Басқарма төрағасы Мынбаев Сауат Мұхаметбайұлы, «Маңғыстаумұнайгаз» АҚ Директорлар Кеңесінің төрағасы Бимағамбетов Тимур Мұстахиұлы, «Маңғыстаумұнайгаз» Акционерлік қоғамының Бас директоры Сунь Синьюнь, «Маңғыстаумұнайгаз» Акционерлік қоғамы Бас директорының бірінші орынбасары Иманбаев Бақыт Алтайұлы, «Маңғыстаумұнайгаз» Акционерлік қоғамы жұмыскерлерінің кәсіподақ ұйымы қоғамдық бірлестігінің төрағасы Масатов Санатбай мырзалар мен Жұмыс тобының өкілдері қатысты.

«Маңғыстаумұнайгаз» Акционерлік қоғамының Бас директоры Сунь Синьюнь мырза шараға қатысушылардың атынан қоғамдық қарсы алып, маңызды құжатта әлеуметтік кепілдіктердің барлық түрін мұқият ескергендіктерін атап өтті.

Келесі сөз алған «ҚазМұнайГаз» Ұлттық Компаниясы» Акционерлік Қоғамының Басқарма төрағасы Мынбаев Сауат Мұхаметбайұлы төрт ай бойы қызу талқыға түскен Ұжымдық шарттың ережесінде еңбек қауіпсіздігі мен денсаулық сақтауға қатысты сауалдар реттелгенін, еңбек шарты, еңбек ақы, әлеуметтік кепілдік, сондай-ақ кәсіподақ органдары құқын кепілдеу, Ұжымдық шартты орындаудағы жұмыс беруші мен кәсіподақ ұйымдарының міндеттері және басқа да міндеттер көрсетілгендігін айтты.

Жыны барысында «Маңғыстаумұнайгаз» Акционерлік қоғамы Бас директорының бірінші орынбасары Иманбаев Бақыт Алтайұлы ұжымды 2013 жылдың 10 айында атқарылған өндірістік, әлеуметтік және қаржы саласындағы жұмыстардың барысымен, 2014 жылдағы алға қойған мақсат-міндеттермен таныстырды.

Сондай-ақ жиында сөз алған «Маңғыстаумұнайгаз» Акционерлік қоғамы жұмыскерлерінің кәсіподақ ұйымы қоғамдық бірлестігінің төрағасы Масатов Санатбай мырза жаңа Ұжымдық шартқа қол қою – «Маңғыстаумұнайгаз» АҚ еңбек ұжымының өміріндегі маңызды оқиға екенін айтты. Шартқа қол қойылмас бұрын оның жобасы еңбек ұжымдарында – цехтарда, бригадаларда, Қоғам бөлімдерінде ұйымдасқан түрде қызу талқыландығанын, тараптардың татулық пен түсіністік танытып бір ымыраға келген шешімдеріне алғысын білдірді. Кәсіподақтағы 40 жыл қызметінде тұңғыш салтанатты түрде қол қойылғалы тұрған жаңа Ұжымдық шартта бірыңғай еңбек төлемін алғаш «Маңғыстаумұнайгаз» АҚ-на енгізіп, сенім білдіргендеріне ризашылығын білдіріп, Компанияның атынан Басқарма төрағасы Сауат Мұхаметбайұлына естелік сыйлық табыстады.



Шара соңында жұмыс беруші мен жұмысшы арасындағы әлеуметтік-еңбек қатынасын реттейтін жаңа Ұжымдық шартқа салтанатты түрде қол қойылып, «Маңғыстаумұнайгаз» АҚ еңбекшілерінің әлеуметтік-экономикалық мәселелерін шешуге аса жауапкершілікпен атсалысқан бір топ азаматқа алғыс жарияланды.

2013-2016 жылдарға арналған Ұжымдық шартта өткен жылдардың тәжірибесі ескеріліп, әр жұмысшыға қолжетімді және тәжірибеде қолдануға ыңғайлы етіп жасалынған, әлеуметтік саладағы басты айқындалмалар сақталып, жақсарған, еңбек ақы саласы, еңбек шарты, денсаулық сақтау, кәсіподақ ұйымдарының міндеттері нақты жазылған. Ескере кететіні - 2010-2013 жылдарда қолданылған «Маңғыстаумұнайгаз» АҚ Ұжымдық Шарты «Үздік Ұжымдық шарт» номинациясы бойынша «Парыз» Республикалық сыйлығын иеленген.

«Мұнай. Газ. Инфрақұрылым – 2013» көрмесі

Ақтау қаласында облыстық әкімшілік және «ҚазМұнайГаз» ҰК» АҚ қолдауымен «ПТЕСА» компаниясы ұйымдастырған 8 Маңғыстау аймақтық «Мұнай. Газ. Инфрақұрылым – 2013» көрмесі өз жұмысын аяқтады. «НұрПлаза» қонақ үйінің көрме алаңдарында көрмеге келушілердің назарына Қазақстан, Ресей, Қытай және т.б. елдердің мұнай өндіруші кәсіпорындары өз экспозицияларын ұсынды.



Көрмені аша отырып, Маңғыстау облысының әкімі Алик Айдарбаев аймақтың мұнай-газ секторындағы көрсеткіштерді әрі қарай жақсарту үшін, өңірдің минералды-шикізат базасын өндіру міндеттерін шешуде, геолого-барлау жұмыстарын және өнеркәсіптік қорлардың санатиндағы болжалды ресурстарды аударуда қосымша шаралар қолдануды, сондай-ақ қорларды және мұнай мен газды барлауда жаңа тиімді технологияларды қолдану қажеттігін атап өтті.

Облыс әкімі мұнай-газ саласының дамуы нәтижесінде Маңғыстау экономикасында жоғары көрсеткіштерге жетіп отырмыз делі.

Сонғы бесжылдық ішінде өнеркәсіптік өндіріс көлемі екі есеге – 2 триллион 170 млрд. тенгеге өсті, ол өз кезегінде жалпы республикалық көлемнің 13 пайызын құрайды.

Бүгінде облыста шамамен отыздан астам мұнай-газ өндіруші және жиырмадан астам сервистік мұнай компаниялары жұмыс жасауда, олардың арасында Ресей, Қытай, Австрия, Дания және өзге де елдердің кәсіпкерлері бар. Мұнай-газ саласында кызмет атқаратын адамдар отыз жеті мыңды, немесе өңір экономикасында жалпы алғанда жұмыс істейтін халықтың 24 пайызын құрайды.



«Қара алтынды» өндіру деңгейіне келетін болсақ, бұл көрсеткіш бойынша ол динамика байқалады. Ағымдағы жылдың тоғыз айында өңделмеген мұнайды өндіру өңір бойынша 13,4 млн. тоннамен құрады, бұл бытырғы жылмен салыстырғанда 1,8 пайызға жоғары болып отыр.

Көрмені аралау барысында облыс әкімі біздің компанияның стандартын танысты. Кезінде Алик Серікұлы өзінің еңбек жолын осы «Маңғыстаумұнайгаз» АҚ бастаған

алтынды» өндіруді жоспарды сәтті орындауды тіледі.

- «Маңғыстаумұнайгаз» АҚ жылдан-жылға мұнай өндіру деңгейін өсіруде, осы жылы сіздер 6 млн. тоннадан астам мұнай өндіруді көздеп отырсыздар, алдағы уақытта осы істеріңізге жеміс тілеймін, - деді Алик Серікұлы.

Аймақ басшысы көрме жұмысы барысында мұнай-газ саласының мамандары, сервистік компаниялардың өкілдері өздеріне

тиімді әріптестер тауып, сенімді әрі ұзақ мерзімді өзара ынтымақтастықтағы іскерлік катынастар орнатады деген сенетінін жеткізді.

Дәстүрлі түрде және 8 рет өткізіліп жатқан Маңғыстау аймақтық «Мұнай. Газ. Инфрақұрылым – 2013» көрмесі отын-энергетикалық және инфрақұрылым саласында үздік байланыстар орнатып және оны әрі қарай дамыта түсуге мол мүмкіндік береді. Аталған шара аясында өтіп жатқан кездесулер мен пікір-таластар жаңа жобалар мен болашаққа жол ашады.

Сонымен қатар, Ақтау қаласында өтіп жатқан «Мұнай. Газ. Инфрақұрылым – 2013» көрмесінде «Даму» кәсіпкерлікті қолдау қорының және аймақтық қаржы институттары болімсіндерінің семинар-презентациялары өткізілді.



Үстеміздегі жылдың 25 қазаны күні «Қаражанбасмұнай» АҚ ұйымдастыруымен мұнай-газ саласы компаниялары арасында болған І-ші Жас мамандар слеті өткізілді. Оған «Маңғыстаумұнайгаз» АҚ, «Қаражанбасмұнай» АҚ, «ТұтпарМұнайСервис» ЖШС, «Арғмак-ТрансСервис» ЖШС, «Технологиялық көлікті басқару және ұйғымаларға қызмет көрсету» ЖШС, «Өзенмұнайгаз» АҚ компанияларының студент астам жас мамандар мен басшылар қатысты. «Маңғыстаумұнайгаз» АҚ делегаттарының құрамында ӘМЖӘДД-нен Байбосанов Әлібек, Жолдыбаева Лаура, Кубиева Мөлдір, «Жетібаймұнайгаз» ӨБ Исатаев Бауржан, Еділов Нұрбол, Телішева Ақбаян, Ходжаев Бауржан, Садыров Қайрат, АРБД-нен Қыдыров Бекеш, КЖКҚБД-нен Мырзағалиев Әжіғали болды. Слеттің негізгі мақсаты мұнай-газ саласындағы жас мамандардың баасын қосу, компанияның жетістігі жолында дүіткен мақсаттарға қол жеткізу үшін бірегей команда қалыптастыру, Компаниядағы ортақ міндеттер мен мәселелерді шешу жолында жаңа идеялар мен ой-пікірлерді ұсына білу болып табылады.

Шараны «Қаражанбасмұнай» АҚ Президенті Хасанов Дулаутжан Кенесұлы ашты. «Бүгінде жастар қоғамың қозғалушы күші ретінде озық идеялармен қаруланып, сілміздің дамып, өркендеуіне лайықты үлес қосып келеді. Болашақта ел тізгінін ұстайтын, сілміздің әлемдік деңгейдегі бәсекеге қабілетті, экономикасы дамыған, өркеніет көшінен лайық орын алатын, сілміздің қарқынды дамуына өзіндік үлес қосатын қоғамың негізгі белсенді күші жастар екені сөзсіз. Компаниямыздың алдығы қатардан көрінуі жолында Сіздердің қосар жаңа идеяларыңыз бен жаңашыл бастамаларыңызға басшылық тарапынан қашан да қолдау көрсетілетіні болды» - делі.

Сонымен қатар сөз алған басқа да компаниялардың әлеуметтік сала жөніндегі басшылары «Арыстандай айбатты, жолбарыстай қайратты, қырандай күшті қырағы -

Біртұтас Компания – біртұтас мақсат



Мен жастарға сенемін» - деп Мағжан Жұмабаев айтқандай, бүгінгі қоғам, қазіргі нарық бәсеке заманын талап етеді. Жүректерінде жалыны, бойларында күштері бар жиырма бірінші ғасырдың жастарын күнделікті өзгеріп жатқан өмірге, құбылыстар мен жаңалықтарға шошып қарамай, батыстық қитұрқы өміріне еліктемеу, «жақсыдан үйреніп, жаманнан жіреніп», талашты да тапқыр, талғампаз да терең ойлы, тозымді де табанды етіп тәрбиелеу – біздің басты мақсатымыз» - делі. Осы бағытта 2013 жылдың наурызынан бастап «Өзенмұнайгаз» АҚ-да, ал тамыз айынан бастап «Қаражанбасмұнай» АҚ-да жас мамандар кеңестері құрылып, жұмыстарын бастап кеткендігін де тілге тиек етті басшылар.

Ал жас мамандар атынан ортаға шығып, жасалған жұмыстары мен ұстанған бағыттары таныстырған өзге компаниялардағы инженерлер Ахметов Думан, Қойлыбаев

Бағдат, слесарь-жөндеуші Саяуыш Жұмабайұлы, бұрғышы Қожаш Айдін мен «Өзенмұнайгаз» АҚ Жас мамандар кеңесінің төрағасы Нобаев Аскар Компания жастарын инновациялық жұмысқа тарту, жас мамандардың шығармашылық әлеуетін дамытып оны іскі асыруға жәрдемдесу – Кеңес жұмысы бағыттарының бірі екенін айтты. Департаменттер мен шехтар қызметкерлері арасында тиімді өзара қарым-қатынас орнату, Жастардың кәсіптік және азаматтық қалыптасуына, олардың мансаптық, өнегелік, зияткерлік дамуына жәрдемдесу, ғылым, білімдегі жаңа жетістіктерді енгізу мәселесіне, жас мамандардың өнертапқыштық ұстанымдарына қолдау көрсету, ғылыми жетістіктердің енгізілуі, озық тәжірибелік жұмысты жақсы ұйымдастырып, сапалы еңбек етуіне сай белсенділігін арттыруға ықпал етуді мақсат еткен жас мамандар кеңесі кәсіпорының қоғамдық өміріне жастардың белсене

қатынасуын қамтамасыз етуге, кәсіби біліктілігін арттыруға, мәдени-көпшілік, спорттық шараларды өткізуге, басқа кәсіпорындармен тәжірибе алмасу, жастар орталықтарымен тығыз қарым-қатынас ұстауды. Құрамды төрағасы, орынбасарлары мен негізгі ұстанған бағыттардың менгерушілерінен тұратын Жас мамандар кеңесіне 18 бен 35 жас аралығындағы қызметкерлер кіріп, бүгінде жұмысын жандандыруда.

Құрылған жас мамандар кеңестерінің жұмысы таныстырылған соң қатысушылар арасында «ашық кеңістік» атты іскерлік ойын ұйымдастырылды. Слетқа қатысушының кәсіпорындағы ролі мен Компанияның стратегиялық мақсатын жүзеге асырудағы ой-өрісін дамыту барысында мастер-класс өткізілді. Командалық жұмыста ұйымшылдықпен көрінген жастардың бұл шарадан алған әсері ерекше болды. Шара сонында жас мамандарға Грамоталар табысталды, кәсіпорындар арасында ынтымақтастық меморандумына қол қойылып, қатысушылар естелік суретке түсті.

«Маңғыстаумұнайгаз» АҚ атынан қатысқан делегаттардың қатарында 2011 жылы басшылықтан баға алған жастар да болды. Сол кезде басшылық ауысып, елеусіз қалған жастар өз бастамаларының өзге компанияларда жүзеге асып, қарқынды жұмыс жасап жатқандығын көріп қайта жігерленді. Жас мамандардың ендігі үміті «Маңғыстаумұнайгаз» АҚ-дағы 18-35 жас аралығындағы жалын жүреткі, өз пікірін еркін айта білетін жастарды бір ортаға біріктіретін Жас Мамандардың Кеңесі құрылды.

Мемлекет басшысы Н.Назарбаевтың «Еліміздің келешегі жастардың қолында» деген сөзі жастарға қандай жауапкершілік жүктеп отырғанын айқын көрсетеді. Ел ертеңі-бүгінгі ұрпақ екенін үнемі жаңында сақтайтын аға ұрпақ Президентіміздің бағыт-бағдар берген сара жолымен жастарды ілгері бастырып, қолдау көрсетер деген сенімде.



“МАҢҒЫСТАУМҰНАЙГАЗ” АҚ - 50 ЖЫЛ

МҰНАЙЛЫ МАҢҒЫСТАУ: ҚҰРЫЛУ ЖӘНЕ ҚАЛЫПТАСУ ТАРИХЫ



«Халықтар достығы» орденінің иегері В. Хохловтың бригадасы



Шұғыл түрде Ақтау-Өзен аралығына қатқыл табанды асфальт жол, су құбыры, электр кабельдері, электр желілері тартылды, құбыр төселді



Н. Иманшев,
Х. Өзбекғалиев және
В. Токарев
/солдан оңға қарай/, 1966 ж.



1981 жылы мұнайшылар күніне арналған салтанатты жиында «Мангышлакнефть» бірлестігінің бас инженері К.Жоламанов обком партиясының бірінші хатшысы С.Мұқашевқа 200 млн. тонна «қара алтын» өндіргені үшін естелік сыйлық табыстады.



«МНГР» КЭ бөлім бастығы В.Нечасев, Қазақ ССР Геология министрінің орынбасары Х.Өзбекғалиев, КазНИГРИ институтының директоры Т.Жұмағалиев және МУБР Бас геологы Ж.Досмұханбетов.



Тұңғыш фонтанға орнатылған обелиск жанында кенорын алғашқы ашушылар С.Рысқалиев, Х.Тәжиев, Ә.Тәжіғалиев



Социалистік Еңбек Ері Т.Қалыров жұмыс үстінде



Құрметті вахтаға шебер К.Әлібаев, оператор М.Өтегенова, О.Шадиаров пен Ә.Мұстапин тұрды.



1965 жылдың 5 шілдесінде Маңғыстау мұнайын тиген тұңғыш эшелон Өзеннен аттанды. Митингіні ашқан Гурьев обкомының хатшысы К. Лихарев.



«Қаражанбастермұнай» МГӨБ бастығы А.Қиынов, КСРО Мемлекеттік жоспарлау комитетінің төрағасы Н.К.Байбаков, Министр, КСРО мұнай инженері Н.А.Мальцев және Мұнайлы ауданы партия комитетінің I хатшысы З.Ө.Алшымбаев. 1984 жыл



2010 жылдың ішінде айында еліміздегі көліктік жылжымалы медицинаның дамуы бастау алып – емдеу-диагностикалық медициналық «Денсаулық» пойызы жүре бастаған болатын. Осы емдеу-диагностикалық медициналық «Денсаулық» пойызына тұрғындардың белсенді түрде жүгінуге, екінші медициналық «Жәрдем» пойызының пайда болуына ықпал етті, бұл пойыз өз жұмысын 2011 жылдан бастаған болатын. 2011 жылдың қыркүйек айында Мемлекет басшысы Н.Ә.Назарбаевтың тапсырмасымен және Қазақстан Республикасының денсаулық сақтау дамуындағы «Саламатты Қазақстан» Мемлекеттік бағдарламасын жүзеге асыру аясында 2011-2015 жылдарға арналған үшінші медициналық «Саламатты Қазақстан» пойызы іске қосылды.

Жылжымалы медициналық пункттер екі әлеуметтік мәселені шешуге көмектесіп

отыр, олар: медициналық қызмет көрсетудің жалғыз бірдей қолжетімділігін қамтамасыз ету және емделушінің қай жерде қаралуы мен емделуі жағдайына қарамастан медициналық көмектің бірыңғай жоғары стандартқа сәйкес болуы.

«Маңғыстаумұнайгаз» АҚ Басқармасының тапсырмасымен Қоғамның 50-жылдық мерейтойына орай 2013 жылдың қазан айында мобилді медициналық пункт Маңғыстау облысында да жұмыс жасай бастады. «Маңғыстаумұнайгаз» АҚ медико-санитарлық бөлімінің жоғары білікті дәрігерлерінен құралған бригада – бір ай бойына Маңғыстау облысының село тұрғындарына ақысыз медициналық көмек көрсетті. Дәрігерлер мен мейірбикелер тұрғындары медициналық көмекке өте зару елді мекендерге арнаулы автобустармен жеткізіліп отырады.



- 1952 жылы туылған әйел адам, қабылдау кезінде басының жиі ауыратынын айтып, өзі бронхитпен ауырам деп ойлаған, - дейді «Маңғыстаумұнайгаз» АҚ медико-санитарлық бөлімі (МСБ) бас дәрігерінің орынбасары Алия Минсентова.

- Біздің дәрігерлер жүрегіне ЭКГ жасап, алдығы-бүйір жақ каптал миокард инфарктісі, 2 дәрежелі артериалды қысым бар екенін анықтады. Жағдай өте ауыр еді, наукасты сол бойда қасына

түрде Жетібай аудандық орталық ауруханасына жатқызды. Ақтау қаласындағы емханаға 14 адамға мамандар кенесіне жүгінуге жолдама берілді.

- Менің ойымша біздің осы сапарларымыз өте жемісті болды, - дейді өз сөзінде Алия Минсентова. - Біздің дәрігерлер көмек сұрап келген әрбір адамға көмектесуге тырысты. Село тұрғындары да шараның жүргізілуіне риза болды. Негізінде, «Маңғыстаумұнайгаз» АҚ басылығы қарсы болмаса, аталған

ДЕНСАУЛЫҚ –

ӘРБІР АДАМНЫҢ БАСТЫ БАЙЛЫҒЫ!



«Маңғыстаумұнайгаз» АҚ дәрігерлерінің бригадасы алғашқы болып Маңғыстау ауданының Тұщықұдық елді мекеніне аттанды. 2000 тұрғыны бар бұл селода медициналық персоналдың шұғыл қажеттілігі сезілді, ал ауылдық емхана бұдан бірнеше ондаған жылдар бұрын салынған. Жергілікті тұрғындар жоғары білікті дәрігерге қаралу үшін, облыстық орталыққа ұзақ жол жүрiн қана жете алады, соның ішінде – алыс жолдарға шыдай алмайтын қария кісілер үшін бұл ұзақ жолды жүрiн өту оңай емес. Сондықтан да тұрғындар дәрігерлердің келуін асыға күткен екен.

- Аталған акция «Маңғыстаумұнайгаз» АҚ Басқармасының тапсырмасымен жүзеге асауда, - дейді «Маңғыстаумұнайгаз» АҚ медико-санитарлық бөлімінің (МСБ) бас дәрігері Әзірбай Ораз. - Біздің әріптестер бұл шараға атсалысу идеясын үлкен жадаттылықпен қабылдады. Мұқтаж жандарға олардың қай жерде екеніне қарамастан көмек көрсету біздің

кәсіби міндетіміз болып табылады. Медициналық бригада құрамында терапевт-дәрігерлер, акушерлер, педиатрлар, психиатрлар, эндокринологтар, ЛОР-дәрігерлер және тағы да басқалары болды. Жергілікті тұрғындар дәрігерлердің келуіне өте риза болғанын көріп тұрмыз. Адамдардың әрқайсысы қажетті емдеу-диагностикалық көмектерін ала алады.

Алғашқылардың бірі болып кәсіби медициналық көмек алғандардың қатарында 74 жастағы Камал ана болды. Ол артериялық қысыммен ауырады, дәрігерлердің келуінен естіген бойда, көп ұзамай дәрігерлердің көмегіне жүгінді.

- Барлық дәрігерлер мен мейірбикелерге үлкен алғыс айтамын, - деді Камал ана, - мені өте жақсы қарсы алып, қарап шықты, қажетті кеңестер берді, енді өзімнің осы жасым ұлғайған шағында Ақтау немесе Шетпегедегі емханаға барудың қажеті жоқ. Тағы да үлкен рахмет!

Жалпылай алғанда Тұщықұдық селосында 90-нан астам

тұрғынға медициналық көмек көрсетілді. Қуантатыны, еш жері ауырып мазаламайтын тұрғындар да келіп, осы сәтті пайдалана отырып, өз денсаулықтары тексеруге ұйғарған, - біреуі жүректің электрокардиограммасын түсірсе, тағы біреуі – көзін ішкі қысымны тексертіп жатты.

Осы орайда, келесі жылы Тұщықұдық тұрғындарына емделу үшін Ақтау қаласына барудың да қажеті болмайды, қазіргі таңда мұнда 50 орынға арналған жана амбулаториялық кешен салынууда, сондықтан да тұрғындар уақытылы және жоғары кәсіби медициналық көмекті өз ауылдарында ала алады деген үмімітеміз.

Бірнеше күннен соң дәл осындай шар Шәбір селосында да өткізілді. «Маңғыстаумұнайгаз» АҚ дәрігерлерінің қабылдауында осы бір күн ішінде 100 шақты адам болып үлгерді. Сондай-ақ, біздің дәрігерлер осы сапарында село тұрғынның өмірін сақтап қалуға көмектесті.

фельдшерді ертіп, жедел жәрдем машинасымен Шетпе аудандық ауруханасына жөнелтілді. Сондай-ақ, анасы ертіп келген 4-жасар баланың мұрнынан аққан қан тыйылмай тұрды, медициналық тексеруден кейін баланың анемиямен ауыратыны анықталды, гемоглобин мөлшері 70 мг/л-дан аспайды. Аурудан жазылу үшін не істеу қажеттігі анасына түсіндірілді. Жалпы алғанда бұл ауылда 100-ден астам тұрғындарға медициналық көмек көрсетілді, мысалы, акушер дәрігердің өзі 18 тұрғынға көз-өйнекке рецепт жазып берді.

25 қазан күні «Маңғыстаумұнайгаз» АҚ дәрігерлерінің бригадасы Қаракия ауданының Мұнайшы селосына келді. Шара барысында 83 жергілікті тұрғын қаралды. Бұл жерде де шұғыл медициналық көмек қажет пациенттер анықталды. Мысалы, науқастардың біріне ишемиялық инсульт (2 дәрежелі артериалды гипертония, қауіптілік тобы 4) диагнозы қойылды, наукасты шұғыл

шараны біз келесі жылы да жалғастырамыз келеді. Сонымен қатар, өңірдің елді мекендерін аралау барысында, біз селолардағы қалыптасқан жағдайлар туралы Маңғыстау облысы денсаулық сақтау басқармасы мамандарымен сұхбаттастық. Соның ішінде, Шәбір және Мұнайшы селоларында ЭКГ-аппараттарын орнатуды, село тұрғындары үшін Ақтау қаласы емханаларында ашық есік күндерін өткізу, және селолардағы медициналық кадр жетіспеушілігі мәселесін шешу сияқты істерді ұсындық.

Сөзіміздің қорытындысында, аталған жоба өз тиімділігін толықтай көрсеткенін атап өткізіміз келеді: яғни денсаулық сақтау саласының алдында тұрған өзекті мәселелерді шешеді, нәтижесінде, медицина сапасы мен қолжетімділігі артады, ал бұл өз кезегінде ауруды ең алғашқы кезеңдерде-ақ анықтауға және денсаулығын қайтаруға мүмкіндік береді. Ал бұл – ең басты мәселе!

Құрметті әріптестер!!!

Видірістің қауіпсіздік қағидаларын сақтаған кезде ғана қауіпсіз еңбек жағдайын тудырады.

- Ешкім зардап шекпеуі керек!
- Жұмысқа кірісер алдында ойлан!
- Жұмысты қауіпсіз орында, не оны мүлдем орындама!
- Жұмысты қауіпсіз орындауға әрдайым уақыт табылады!
- Күмәнің болса, анықта! (Сұра)

Уважаемые коллеги!!!

Создание безопасных условий труда возможно лишь при соблюдении принципов безопасности производства.

- Никто не должен пострадать!
- Подумай, прежде чем выполнять работу!
- Выполняй работу безопасно, либо не делай ее совсем!
- Всегда есть время выполнить работу безопасно!
- Если сомневаешься, выясни! (Спроси)

Өндірістік көрсеткіштер

Table with columns: № к/п, Көрсеткіштер атауы, Өлш. бірлігі, 2012 ж. (нақты), 2013 ж. 10 ай (жоспар, нақты, ауытқу, %), 2014 ж. (жоспар). Rows include categories like 'Мұнай өндіру', 'Газ қабатна су айдау', 'Геологиялық-техникалық шаралар'.

Өр тасы мен қыр қойнауы шексіз байлық пен киетге толы, 360 әулиелі, «жеті жұрт келіп, жеті жұрт кеткен» ұлаңғайыр жалпақ жазираны неленген, құдіретті Маңғыстау аймағының өткен тарихы нешебір ғасырлар қойнауына кетері белгілі.

КЕНДІРЛІ ШЫҒАНАҒЫНА (ТҮБЕГІНЕ) САЯХАТ

Егеменді ел санатын сақтап, ертенгі жайлау-өрісімзді жаза бастау бағамдауымыз үшін, алдымен тарихымыздың тағлымына жүгінгеніміз хак. Ұлттық санағы дамыту, өткеннен сабақ, ғибрат алу, болашаққа қош түзеу үшін өткенді бейбезденіп - басты мәселе. Өр қазақ азаматы өзін патриоттың деп санауы үшін, ең бірінші – өз тарихын білуі тиіс.



Төменде Баба қойымшылығының жанында бабаның құдығы бар, суы бұлақ суынан жиналып тұрады. Содан су ішіп, тілек тілеп, шаршағанымызды басып, ары қарай осы Темір Бабадан 1,8-2км шамасында, күн-шығыс беткейде жатырған «Қыз әулие» қорымына бардық, оған да Баба аяны арқылы аруақты адамдарға бөлініп, сосын баснаға белгі қойылған екен.

Кешегі өткен «Нұр Отан» партиясының Саяси Доктринасындағы «Нұрын болшақ жолында»: «біздің мәдениетіміз бен дәстүрлі рухани құндылықтарымыз – ұлтымыздың өміршеңдігі мен сақталуының кепілі» делініп, осы қымбат құндылықтарымыздың өркендеуіне және азаматтық әлеуетіміздің дамуына үлкен серпін берілуіне жол ашылды.

түрі бар, мұнда кие салыстыратын ретінде Бекет ата емес, Шопан ата болып айтылады.

Шопан ата жайылып жүрген қарақұйрық үйірінен бір теке шақырып алады да оны пышақсыз бауыздап, жіліктен, мүшелден, терісіне салып, алақанымен бір синап өткенде, әлгі теке сілкініп-сілкініп алып үйіріне қарай тұра жөнеліпті. Осыны көріп болғасын Темір Баба теңізге қойып кетеді.

бойда жеңіл шөй ішіліп, ата-баба аруақтарына дұға оқылып, зират басына баруға қам жасалынды.

Бабаның зиратына жақын маңнан (теңізге қарай) жақсылап мешіт, бірнеше бөлмесімен тұрнелік үй, асхана, мал соятын орын, қоралар, т.б. салынып келушілерге жағдай жасалынғаны көрініп тұр. Түнемелік үй ішінде тосек-орын, тамақ дайындауға керек-жаракат – бәрі бар екен.

Осы тұрғыда біздің Акционерлік қоғам басшыларының қолдауымен сан ғасырлық тарихы бар өлкеміздің баға жетпес құпия сырларын өз дәуіріміздің сипатына сай танып-білу, өткен тарихымыздың көмескі тұстарына байыппен үніліп, әріптестеріміздің дүниетанымына қосымша серпін беру, туған жерге, Отанға деген сүйіспеншілігін арттыру мақсатында танымдық саяхат (экскурсия), өлкетану жоспарлары жасақталынып іске асырылды. Бұл істің жүзеге асыруа АҚ-ның Бас директорының әлеуметтік мәселелері жөніндегі орынбасары - И.Қудласбаев мырзаның қолдау көрсетуі және бастаманы ұйымдастырушы «Жетібай-мұнайгаз» ӨБ бастығының орынбасары - Қ.Досаевтың барлық іс-шараға ұйғтқы болуы, үлкен қолғабысы себеп болды.

Ел аузындағы әңгімеде Темір Бабаның су-пірі екендігі айтылады. Шопалд келе жатырған киікті көріп, жаны ашып, «фу, жануар-ай» деп түсіргенде түкірігіне бір үйір киік қанаттыдай су пайда болған көрінеді.

Сортаңды жердің суы тұщып, қурап тұрған кара бұталы жер, Темір Баба жерінің өткенде көктейді екен. Әулиенің баба болып аталуынан, оның Маңғыстаудағы ең ежелгі әулиелі нысан екендігін білуге болады. Оны ІХ ғасырға жатқызуға.

Темір Баба басына зияраттап, Баба рухына Құран бағыштап дұға оқылды. Сол жердегі басқа да жатырған Адай, Жетіру, Әлім тайпалары (аруақтарының) адамдардың барлығын аралап шықтық. Қорымда небір ескі сағана тамдар, құлпығастар, соңғы уақытта қойылып, қайтадан жанартылған зираттар баршылық. Өркім өзі білетін жақсы аңыз әңгімелерін айтып, бабаның тылсым саяхат толы қасиеттерін әңгімелеп ортаға салып жатты. Баба жеті түрлі қасиетке не болған деседі.

Соның бірінше, қазанның 26-жұлдызында ежелгі оғыз тайпаларының көрнекті батыр-әулиесі, қасиет несі Темір Баба қорымына, сол маңдайдағы тау бөктерлеріне, теңіз жағалауына барып қайтуымыз болды.

ТЕМІР БАБА жөнінде айтсақ. Қаспий теңізі жағалауында, Кендірлі шығанағындағы (түбегіндегі) көне киелі орын. Ислам дінін насихаттау, тарату үшін Мекке-Мединеден шығып, Маңғыстау жеріне мәңгілікке қалып қойған деседі. Темір Бабаның Бекет атаман аруақ сынастырғаны жөнінде аңыз бар, сондай-ақ Кендірлі шығанағындағы түбектілішенің пайда болуы туралы аңыз да осы кісімен байланыстырылады.

Темір Баба басында шырақшысы қауырт шаруаман кетіп қалуына байланысты, орнына көмекшісі жұрды. Алыс болса да Бабаның басына жан-жақтан түнеуге зияратшылар көп келеді екен.

Баба аяны арқылы түскен «бапа әулие» басына баруға да бәрі құлшыныс танытты. Оның жанында сондай «Сұлтан әулие», «Батыр әулие» деген аруақты жандар жерленген екен. Бұл Темір Баба қорымынан 1-2 км жерде, тауды қыялай жүріп отырып жететін таудың үстіндегі қойымшылық болды. Апарған нәзірлерімізді байлап, дұға бағыштадық.

Кендірлі шығанағындағы осы тілше-түбек жөнінде басқа бір аңыз нұсқасы бар: «Темір Бабаның баласы суға кетіп өлгенде, қаншама діндар болғанымен адам емес пе, назаланып, қамшымен теңіз толқынын сабапал, қарғыс айтқан деседі. Сондағы қамшы тиген су айдыны, ұзын да жіңішке тілше-түбекке, яғни құрлыққа айналдыпты». (Т.Қойдұбаеваның дерегі)

Темір бабаның «Адайдан аруақты Бекет деген пір шығыпты» дегенді естіп, көрейін, сәлемдесейін, киісетін көрейін деген мақсатпен келіп, онымен аруақ салыстыруын аңыздан көшілік біледі. Бұл аңыздың басқа да

Айтұшының сөзінен, ол қойымшылықта ертеректе жаугершілік заманында қырылған 40 қыздың мүрдесі бар делінеді, бірақ әр жердегі тас белгіде белгі-танбалардан басқа, жазу белгісін көре алмадық. Дұға бағыштап, кейін қайтық. Қайтар жолда тілше-түбектің, «Қыз әулие» маңайынан төменгі жағалауды аралай жүріп сұлу табиғатын тамашалап, суретке түсіп, таза ауасымен серуендедік.

Темір Баба аруағына арнап, Алла ризалығы үшін арнайы арнап апарған малымызды сойып, ата-баба аруақтарға дұға етіп, көптің, еліміздің, халқымыздың тілеуін тілеп, тәуелсіз Қазақстаннымыздың көк байрағы желбіреп, егемендігіміздің, тәуелсіздігіміздің тұғырының мықты болуын, имандылығымыз бен ауызбіршілігіміздің артуын қалап, бата жасап, тус ауа (сағат 5 шамасында) кейін қарай жолға шықтық.

Жол бойы тағы қызықты аңыз-әфсанна, әңгімелер айтудан, тыңдаудан ешкім де жальғар емес. Баба қорымынан санағанда 4-5 км жерде ескі поселкенің орны көрініді. Бұл баяғы, Кеңес дәуірінде (1972-1973 жылдары) мұнайшы геолог-геофизиктерге арналған жақсы тиісеті жобадан салынған үйлер екен. Бірақ поселке қанырап бос қалған, үйлер тозып, құлап қарасуыс тұр. Тек қабырғалары ғана қалған. Оның да өз себебі болар. Сол кездері таудың үстің, баурайың жағалай қазғылап, онымен мұнайды дұрыс таба алмай, ұңғылардың көбінен газ шыққан. Содан уақытына тоқтатылған жаз болған деседі.

Бір автобус тола барған «Жетібай-мұнайгаз» ӨБ мұнайшыларының көңілдері марқайып, келгенше АҚ-ның, көлік басқармасының, «ЖМГ» ӨБ басшыларына алғыстарын жаудырумен болды. Көптен бері қарай көпішліктің көкірегінен жүрген, айтып жеткізе алмай, іздеп, аңсап, барып келуге мұрша болмай, не сөзі түспей жүрген жүргіндегі осы арманын деп басқан, соны сезіне біліп, уақытында Қоғам басшылығына жеткізіп, бағдарлама жасап, заңдастырып, ұйымдастыру шараларын жасаған басқарма бастығының орынбасары Құдайберді (Құдай) ағайға деген мұнайшылар ықыласы, ризашылығы шексіз. Өрне, мұндай шаруаны тек қана жүрегіне ізгілік пен қайырм жайлаған, ата-бабаның жолын қастерлеген, көргені мол батпал да шебер, ісмер адамдар ғана жасайтынны белгілі.

Ақтауда жеткенше ешкім шаршамалы, әрі мұндай өлкетану, саяхатқа шығу тағы бола ма, қашан деп, сұраумен болды. Енді осындай өлкетану бағдарламасы келесі жылы да жалғасын табады деп ойлаймын.

Қ.Жоңидіев, Әлеуметтік мәселелер жөніндегі топ жетекшісі



Қаламқас ана жақуында



Қаламқас кең орнының атағы төрткүл дүниеге мәшһүр. Ол ашылғаннан бері талай заман артта қалды. Сол кезде дүниеге келген бала, бүгін «сақалы өсіп, жат болды». Сарыарқа төсінде орнаған Астананың күнінен күнге түлеп келе жатқан келбетінде одан атқылаған мұнайдың, осы біздің Бозашының Қатқылтүбіндегі Керел-Жандауырдың да үлесі жоқ деп кім айтар?! Бірақ осынау берекелі қонысқа аты берілген Қаламқас кім? Ол туралы не білеміз?

Қаламқас – Жары ауылының Бектеміс тақ-тасынан, оның ішінде Өкін атадан тарайды деген жазбалар бар. Қайырғай, Шығарбай, Қозыбақ, Мамыт және бір қыз – Қаламқас туғаны айтылады. Ал кейбір ақсақалдар Досайұлы Сейіт ұстаның әңгімесін алға тартып, Қаламқас Еселбайдың белнемере туысы, Оразалының қызы деген де дерек айтады. Оразалы – ағалы-інілі әулиелер Несібек Нұрдың әкесі.

Қаламқас пен Қаражан

Айдыңның еркін жүзген ерке көгілдірігіндей әрі қасиет-қисесі ерте танылған Қаламқасқа мейрімді әкеңіз де кешілігі көп болды. Болашақ жар таңдау еркі ауылы қыздың өзіне берілді. Айттырып келген не бір «би ұлы шора, бай ұлы мырзаларға» қыздың өзі шарттар қойды. Ол шарттар – өнер жарыстыру, білім оқыру, парыз – пайым өлшемге саятын. Талай баған мырзалар жүйрік қыздың нәрдің оғындай өлең-сөздерінен ұғылса, одан әуірімден өткендер сұғылса қыздың терең білімін алдында тосылыс тапты. Сөйтін, әшейінде жертірісіп, төбісімен аспан тіреп жүрген талай жампоз арудан үміттерін үзуге мәжбүр болды... Сондай күндердің бірі – көктемнің балаусағына ауып қонған ақ үйлі қонысқа әуелден Жарымен біте қайнасып ілік-шатыс болып келе жатқан Жеменей аулынан соңғы кезде аты ауызға іліне бастаған Қаражан деген жігіт жолдастарымен келіп түсті. Көшпелі елдің театры да, сахнасы да бастаңғы, отырmaq алтыбақан тәрізді сауықкештер екені белгілі. Ай астында- алтыбақан. Көктемгі желемік көңілдерін сергіткен жас қауым жалған дүниенің қысқа дәуреніндегі өткіні қызыққа елтіген. Жастықтың бесігіндегі алтыбақанда алтай қыз бен атайы жігіт айтысып тұр.

Қаражан:

Бойында Бозашының ауыл отыр.
Айдыңның аққу құсын тауып отыр.
Әуелен ұшып келген ақсақар құс
Селт етпес көңіл күйі ауып отыр...

Қаламқас:

Бойында Бозашының ауыл отыр,
Айдыңның аққу құсын тауып отыр.
Сұңқар емес, алыстан шаршап келіп
Айдында жүзе алмайтын тауық отыр...

Қаражан:

Тілегін қыз шіркінің тауып болмас,
Көңіде әнге салмай сауық болмас.
Қанатан түтпек қырып тастаса келіп
Болған сон тегі сұңқар – тауық болмас...

Осылайша жалғасқан жарасымды наз бен ұтқыр жауаптарға толы айтыс тең аяқталды. Содан соң сұрақ-жауап басталды. Әлбетте, сауалды қыз тастайды, жауапты жігіт береді:

Қаламқас:

Теңізден терең, жерден ауыр не нарсе?
Қаражан:
-Теңізден терең-ғылым мен білім.
Жерден ауыр-жақсылыққа жамандық.
-Иманның басы неде?
-Сенімде.
-Тәні қайда?
-5 уақыт намазда.
-Күмбезі ше?
-Ықылас ниетте.
-Жүрегі қайда?
-Қураңда.
-Сөзі неде?
-Зікірде.
-Нұры неде?
-Шындықта.
-Дәмін сақтайтын не?
-Сабыр.
-Дәрі-шипасын қайдан табасың?
-Оразадан.
-Қорғаны не?
-Өлеп.
-Жемісін қайтып жейсің?
-Көркем мінез-құлдықтан.
-Қабы не?
-Ар-ұят.
-Шырағы ше?
-Тақуалық
-Дүниде өлмейтін не?
-Ғалымның хаты, жақсыныңнаты.
-Теңізден бай не нарсе?
-Теңізден бай – бұйырғанға қанағат қылған жан.
-Он үш тойымсыз не?
-Көз көруте, құлақ естуге, көкірек ақыла, көңіл ойға, ер малға, әйел ерге, жер жауынға, жол тұяққа, аспан бұға, дария суға, ошақ отына, сері серуенге, көр адамға тойымсыз.
-Төрт қатты не?
- Сүйген жарынан айырылса, сүйікті досынан айырылса, ізгі жан نادанмен қосақталса, пенде пендеге кіріптар болса.
-Дүниеде не жаман?
-Сүйгеніңнің сын-сұрағынан тосылу.
-Дүниеде не жақсы?
-Сүйгеніңнің сынынан сүрінбей отырып қосылу...
Сақы жігіт сөйкі сұлудың сауалдарына тосылады. Қыз көңіл ырзалық тапты...
Содан сон бір тұспалды сөздер басталды...
-Айдында аққу жүзеді, жыл құсы қашан ұшады?
-Айдында маңдай түзеді, тәуекел жолға



басалды.

-Тәуекел түбі желқайық, желкені қашан керілер?
-Желкенін желге мол жайып шілдеде бағыт беріптер...
-Беріктің неде?
-Кең сарай кеуде...
Ауылға қайтар жолда Қаламқас ештеңеге түсінбей аң-таң қалған жегесіне: «Ақ жегеші-ау, құдаларды шілде айында күте беріңдер. Кеудеміз жерге кіргенше сертіміз бұзылмас, иншалла!»,-деп жауап берді...

Арудың ақыры

Алдың, жазмыштың қатал заны көздері таңғы шағанниң шығындай мөлдереген ауыл да арманды екі жасты дегендеріне жеткізеді... Мезеулі шілдеге де бір айдай уақыт қалған. Құда жабығымен ауылдың ересек жаңдары сапарға шығып кетіп еді. Кенет ауыл сыртынан құла-қызғылт жалындай нөпір киік қырды шарпып, ылдығы қарай төңкеріле құлап келе жатты. Алда аран барын сезбейді құралаларының жырда қана өрзіген бейкүнә жануарлар... Қызылсарып отырған ауылдың бір қарық қыламық болған бұрын да «аншы қыз» атанып жүрген Қаламқас Бәйгел ағасының «Бәйгі бозына» қалай жақындағанын сезбей де қалғаны. Сонынан бірнеше құрбысы ерді. Қарабауырды жерден көтеріліп ұшқанша қамшымен түсіріп үлгеретін боз тұлар көп киіктің ізнен зымырап келеді. Тұлар мыңен

қыздың ырқына көнген киіктер қазыңды аранға қарай төтелеп салды. «Ажалды күні кер киік айдамай түсер аранға» деген сөзді дуалы ауыз даналар тегін айтты демейсін?! Киіктің алды алдағы ішіне нар қамыс шанышылған орпаға омақаса құлай бастады. Жанарын ағынды аттың екпін, көп киіктің дүбірлен мұнар буган Қаламқастың алдынан жалғыз мүйізді киік көлденеңдеп өте берді. Сонда ғана қыздың есіне жақында аңшы ағасы Бәйгелдің: «Көп киіктің соңында ағыздып келе жатыр ем. Кенет топтан бөлініп, жалғыз мүйізді киік өзіме қарай тіке салды. Жете беріп ома тұрып қалды!... Мен киіктің қиснесе жолыққанымды сонда түсіндім. Осы сапардан оралғасын садақа таратып, пірлерден мархам-иншара күтермін, болмаса, аңшылықты бір жола доғарармын!...» деген сөзі түсе берді. Бірақ, бәрі кеш-ті... Ат тізгінін тейеймін дегенше, аузымен құс тістейтін «Бәйгібоз» киіктердің сонынан аранға құлап бара жатты! Ышқына кісіней атылғанымен, арғы бетке тұяғы іліне бере төменге қарай құлады. Әлпайымда не болғанын түсініп үлгермеген Қаламқастың жүрек тұсынан жалғыз мүйіз қалалып еді... Дүние қып-қызыл болып жүре берді. Ол қызыл-күннің шапағы ма, қаптаған киік пе, жоқ, әлде, жүрегінен атқатқан қан ба - ешнәрсені ұғып үлгермеген қалпында Қаламқастың шыбын-шырасы сөніп, жаны бақи мұхитына сүңгіп жоғалды!.. Құрбылары қыздың қан жапқан денесін араннан аман шығып, азынай кісінен, арқырай атылған акбоз атқа зорға өңгеріп, ауылға жетіп еді... Алпа аралай Жеменей аулынан жеткен құдалар қаралы жыныға тап болған...

Ескерткіш салына

Қаламқас қабірінен айсыз қараңғы түндерде аспаңға тік шанышылп от жанды. Артында қалған елі оның тегін жан емес екенін сонда барып түсінді. Содан бері жергілікті жұрт қорыққанда, қуағанда Қаламқастың басына түнеуді әдетке айналдырды. Қасиетті құлын құрметтеген жаңдарды Алла Тағала да құр қалдырған емес. Талай дерттілер Қаламқас әулиеге түнеп дауа тапты. Небір жанары жасты мүңділар перзентті болып, барша мұраттарына жетті. Бағыа аулы ару аранға жығылып, мөрт табатын «Бәйгелдің жазғында» сол қанды аранның жосағы әлі жатыр. Бірақ, бұл ұлы далала одан әлдескәйда терең арандар қазылып жатқанына да әлдешесе жылдардың жүзі ауды. Бұрынғы биіктер аласарып, киіктер жоғалған. Ал Қаламқас апамыздың қасында ел-халқына тірлісінде қайырын тигізін, өлісінде зайырын көретіп, өзінің бауырлары – ағайынды әулиелер Несібек пен Нұр жатыр. Ақыл-ойы шектелген пенде болған сон білмейміз, әйтеуір ол кісілердің кейінгі ұрпақты: қызғалдақ қыз, бозбалдақ ұлдарды аранға құлатпау үшін желеп-жебен жатқандарына күмін жоқ!

Еңдеше, тәуелсіздіктен басқа байлығы, еркіндіктен бөде мұраты жоқ біздер, яки, әулиелі мекеннің ізгі үмітін талағау ғып, өзегін жалғаған тұрғындары, әулие апамыздың әруағина ерекше құрмет көрсетулі керек деп есептейміз. Таланты мүсіншілерге конкурс жариялап, мұнайлы өлкенің астанасы Ақтау қаласынан жастар тәу етер, ұрпақ маңдайын бұрар, жатқа-айбын, жақына абырой болар ескерткіш орнатылса, нұр үстіне нұр болмас па?! Шіркін, хас шебер сомдаған акбозатпен сағпап бара жатқан ару бейнесі Ақтауымыздың төрінде тұрса, қазіргі көпшіліктің бойын құрсаулап алған тұрмыстық денгейде бүгежектеген сананы биіктетіп-ақ тастамақ па?! Мұндай игі шара, бір жағынан, әрбір келген мейманға, мейлі ол қандай ниетпен келсе де, елдігімізді өйгілеп тұрса, екінші жағынан, бүгінгі ұлтымыздың өзегіне жеті құрт болып түсе бастаған: «әулие жоқ», «анау ширік», «мынау бидігәт» деп елдің басын қатырып, дін-исламмен біте қайнасып кеткен байырғы дәстүр-салтымызды жокқа шығарып, жат ағым жетегіне кетіп жатқан жастарымызға да сабақ, бәлім тосқауыл болар ма еді?! Өйткені, өзінің жасқырларын ұлағат тұтып, мақтаныш көріп өскен ұрпақ жаттың ұлы уағызына бірден елтіп кетпесі белгілі. Ал, ұрпақтың қонымы ойлау, ол Отанның ертеңін ойлау! Мұндай кәстері шаруалардан кім бәс тартпақ?! Мұнайлы өлкенің байырғы тұрғындарының осынау заңды өтініш һәм ұсынсын жорғадығы тиісті дауаздымы тұлғаларға құлаққағыс ету мақсатында оймалды ортаға салған жайым бар. Өріне, «халық ұйғарса, хан тұйысын сояды» деп дана қазақ бекер айтпаған! Біздің осы өтінішіміз аяқсыз қалмас деп сенеміз.

Өлкетанушы, карт шежіреші
Жетібай Жылышқыұлы
Шетте кенті



26 октября на арене спортивного комплекса имени Балуана Шолака завершился 17-й чемпионат мира по боксу среди взрослых. Сборная Казахстана по боксу одержала впечатляющую победу на чемпионате мира в Алматы. В родных стенах казахстанские боксеры побили все рекорды, завоевав 4 золотые, 2 серебряные и 2 бронзовые медали. На высшую ступень пьедестала почета поднялись Биржан Жакыпов, Мерей Акшалов, Данияр Елеусинов и Жанибек Алимханулы.

Для казахстанского бокса, это действительно поистине великий результат, еще ни на одном чемпионате мира казахстанские мастера кожаной перчатки не стояли четыре раза на высшей ступени пьедестала почета.

Каждый финальный бой был настолько ярким и зрелищным, что стоит отдельного внимания

49 кг. Биржан Жакыпов (Казахстан) – Мохаммед Флесси (Алжир)

Если в жизни и существовал бы «остров невезения», то Биржану наверняка не было там равных до чемпионата мира в Алматы. Несколько лет его победный путь на нет сводил его извечный соперник китаец Зоу Шиминь. В 2012 году двукратный олимпийский чемпион 2008 и 2012 годов решил уйти на профессиональный ринг и казалось бы долгожданная победа в кармане. В четвертьфинале Биржан легко победил пуэрториканца Ривьеру. В полуфинале на классе перебил кубинца Йосбани Сото. В финале не оставил шансов молодому алжирцу Мохаммеду Флесси. Впрочем, алжирцам не стоило огорчаться, уж давно давно их боксеры не стояли на пьедестале почета мирового первенства. Золотая медаль Биржана Жакыпова, плод его многолетних упорных тренировок, терпения и трудолюбия.

52 кг. Миша Алоян (Россия) – Жасурбек Латипов (Узбекистан)

В Алматы Миша приехал в статусе действующего чемпиона мира, и ни у кого не вызвало сомнения, что именно он станет чемпионом в этой весовой категории. Все три раунда узбекский боксер пытался доказать обратное. Жасурбек искал счастья в атаке, а его соперник умело оборонялся, ловя соперника на контратаках, и эта тактика принесла Алояну золотую медаль. Таким образом, он стал двукратным чемпионом мира!

56 кг. Джавид Чалабаев (Азербайджан) – Владимир Никитин (Россия)

Победную поступь Алояна не смог поддержать другой боксер из России Владимир Никитин, который проиграл

Точка отчета



64 кг. Мерей Акшалов (Казахстан) – Ясинер Лопес (Куба)

юной восходящей звезде азербайджанского бокса Джавиду Чалабаеву.

60 кг. Робсон Консейсао (Бразилия) – Ласаро Эстрада (Куба)

Кубинцы на чемпионат мира в Алматы привезли своих лучших боксеров. Состав команды практически не претерпел изменений по сравнению с лондонской олимпиадой, разве, что изменения коснулись весовых категорий спортсменов. Ласаро Эстрада долгое время выступал в весе до 56 кг. В этом весе он и стал чемпионом мира 2011 года и бронзовым призером Олимпийских игр 2012 года. Самый сложный бой кубинец провел против нашего Берика Абдрахманова в полуфинале. Берик все время атаковал кубинского боксера попадая правым боковым, но судьи в тот день отдали победу Эстрате, хотя все кто видел бой скажут обратное, но время назад не вернешь. В финале Ласаро Эстрада легко, играючи победил бразильца Робсона Консейсао единогласным решением судей.

64 кг. Мерей Акшалов (Казахстан) – Ясинер Лопес (Куба)

Ни на одном из поединков на чемпионате мира победы Мерей Акшалова не вызвали малейшего вопроса. Мерей - надежный, стойкий, очень умелый, тактически грамотный и целеустремленный. И опытный кубинец Толело, имеющий медали с чемпионата мира и Олимпиады, не смог справиться с таким умным, спокойным соперником, умеющим на ринге почти все.

69 кг. Данияр Елеусинов (Казахстан) – Аришодис Дисайн (Куба)

Самая долгожданная победа Данияра. Капитану национальной сборной многие специалисты из мира бокса прочат большое будущее. Нам остается верить в это и ждать.

75 кг. Жанибек Алимханулы (Казахстан) – Джейсон Кунгли (Ирландия)

20 летний уроженец алматинской области Жанибек Алимханулы стал

открытием чемпионата мира 2013 года. Мало кто верил в его победу, но своим мощным атакующим боксом он порадовал болельщиков. В финале был повержен ирландец Джейсон Кунгли. Самое интересное до финала ирландец провел все бои просто отменно не оставляя никаких шансов своим соперникам, но в решающем бою уверенность куда-то пропала, чем собственно и воспользовался Жанибек.

81 кг. Адильбек Ниязымбетов (Казахстан) – Хулио Ла Круз (Куба)

Повторение финала 2011 года. Те же действующие лица, та же весовая категория. Кубинец победил нашего боксера став двукратным чемпионом мира. Сейчас на просторах всемирной паутины все обсуждают проигрыш Адильбека Ниязымбетова. По ту сторону экрана мы все герои, ораторы нашего времени, критики. Адильбек на сегодняшний день является самым стабильным боксером в сборной Казахстана. А быть первым в своем весе на протяжении 4-х лет, избегая травм и прочих нюансов спорта дорогого стоит. Серебряная медаль Адильбека, это очередная победа мангистауской школы бокса.

91 кг. Клементе Руссо (Италия) – Евгений Тищенко (Россия)

Клементе Руссо победив юного россиянина, завоевал второе золото на чемпионатах мира. Первую он взял у себя дома в 2009 году, кто не помнит тогда чемпионат мира проходил в Милане. Кстати чемпионат мира 2009 года стал самым провальным для Казахстана, тогда единственную бронзовую медаль завоевал Серик Сапиев.

+91 кг. Иван Дычко (Казахстан) – Магомедрасул Меджидов (Азербайджан)

Долго придется покопаться в архивах любительского бокса, чтобы найти там сведение о нокаутах зафиксированных на чемпионатах мира прошлых лет. Но, этот нокаут увидели миллионы зрителей в 2013 году. Меджидов в конце второго раунда отправил в нокаут Ивана Дычко. Писать об этом нет смысла, это надо просто видеть.

В командный успех свою лепту внесли мангистауские боксеры Берик Абдрахманов (бронзовый призер в весе до 60 кг) и Адильбек Ниязымбетов (серебряный призер в весе до 81 кг) и старший тренер сборной Мангистауской области, тренер национальной сборной РК, заслуженный тренер РК Марат Джакиев. Но ребятам не стоит этому огорчаться. Потенциал есть, и ориентир есть куда стремиться. Ведь не тот молодец, у кого бравый вид, а тот, кто победу творит.

Аскар Атагаев, специально для «Мұнайлы Олке»





ҚАЗАҚСТАН РЕСПУБЛИКАСЫ АҚШЫ ҚАЛА

60 жас

Бураханов Нүрсейд Нұрбайұлы, 15 қараша, САЖМТЖД, пойыздарды құрастырушы
 Әлекеев Әжмұханбетқали Жиганғалиұлы, 17 қараша, ӘМЖӘДД, салқындатқыш
 қондырғысының машинисі

Қамысбаев Нартай, 20 қараша, МЖӨЦ-2, мұнай және газ өндіру операторы
 Шарниев Сейтжан Зинорулы, 30 қараша, ӘМЖӘДД, дәрігер-эндоскопист

55 жас

Қошханова Онайкүл Текебайқызы, 04 қараша, МЖӨЦ-2, мұнай және
 газ өндіру операторы

Әзбергернова Ағила Қизатқызы, 05 қараша, ОИТҚ, мұнай және газ өндіруді басқару
 қондырғысының операторы

50 жас

Күзекенов Қонақбай Төрткілабайұлы, 08 қараша, МЖӨЦ-2, мұнай және
 газ өндіру операторы

Орынғалиев Саламат Алдерменұлы, 08 қараша, МЖӨЦ-1, мұнай және
 газ өндіру операторы

Құлқаев Рахым Жексенбайұлы, 09 қараша, ПҚЖПЦ, электргаздәнекерлеуші
 Гольшева Валентина Владимировна, 11 қараша, ГЗЖӨЖЦ, химиялық талдау лаборанты

Жұмаш Жәрдем Қартамбайұлы, 12 қараша, КД, көлік жүргізушісі

Жүсіпов Қонарбай Басбайұлы, 13 қараша, ТҚЕЖҚОҚД, ауысым бастығы

Соспанов Нұрлан Опаұлы, 13 қараша, ТҚЕЖҚОҚД, қызмет бастығы

Данабаев Жалғасбай Ақмұрзаұлы, 16 қараша, КҚД, ғимараттарға кешенді

қызмет көрсету және жөндеу бойынша жұмысшы

Қайниев Болатбек, 17 қараша, МҚДЖАЦ, тұз бен судан айыру

қондырғысының операторы

Рахманов Сағымбек Әлімұлы, 18 қараша, ТСДЦ, жұмысшы агентті қабатқа

айдайтын сорап стансасының машинисі

Ершеев Дауыл Срадинұлы, 20 қараша, ТҚЕЖҚОҚД, ортеқ қарсы және

оның алдын алу ұсқаушысы

Исмагамбетова Роза Ивновна, 20 қараша, ТҮПЦ, қызметші

Набиев Қайрат Өтегенұлы, 28 қараша, КҚД, ағаш шебері

Шохарбаев Сәрсен Қалауұлы, 29 қараша, ПҚЖПЦ, слесарь-жөндеуші

Сапаков Кобеген, 30 қараша, САЖМТЖД, жол жөндеуші

Жапаров Орынжан Ордаұлы, 30 қараша, МЛТЖТУ, технологиялық

қондырғылар операторы

Ақтау қаласының
 50 жылдығына арналады



АҚШЫ ҚАЛА

Ақтау болашаққа жол ашқандай,
 Айдын шалқын көңілге нұр шашқандай.
 Терезенді аисаңыз толқын соғайды,
 Каспийде кемемен баратқандай.

Жазаң шулап үнемі шаттық дұман,
 Сендей қала бар ма екен әсер бетінде,
 Ғашықтардың табысар мекені болған,
 Арулығың аққудың келбетіндей.

Қ-сы
 Ақтау достықтың айнасы,
 Ақтау бақыттың арнасы,
 Ақтау мұнайдың ордасы,
 Ақтау жас қалам жайнашы.

Құлтырасың ақ маржанның құралғандай,
 Көкжиектен көз тартқан қорқиң қандай,
 Айдыңында ақ әселкеп, шағала, аққу,
 Әңгіменен асқақтаймын армандарға-ай

Ақтау аққу мекен, шаттық мекен,
 Сені қиып әзірраққа қалай кетем,
 Сенің аспан теңізінде мөлідреген,
 Толқынымен тербеліп жырлап отем.

Қ-сы
 Ақтау достықтың айнасы,
 Ақтау бақыттың арнасы,
 Ақтау аққудың ордасы,
 Ақтау жас қалам жайнашы.



Әлі мен сөзі «ОТК» ЖШС мұрагері
 К.Қапатовский,
 2013 жыл.

Қайырымдылық жасау – адамгершіліктің белгісі

Халқымыз қашан да қайырымдылықтан кенде болмаған, жетімін жылатпаған, жесірін қанықтамаған. Бұл қасиет оның болмысының ажырағысыз құрамдас бөлігі бола берсе керек. Осынау ата-бабалардың игі дәстүрін бүгінде ұрпақтары жалғастырып келеді. Қазақта «Жетім көрсен жейбей жүр», «Жерде жетім жылдаса, көкте періште күніренеді» деген сөздеріне қарамастан жетім мәселесі күрделеніп келе жатқаны жасырын емес. Сол себепті жастардың бойында қайырымдылық сезімін ұялатып, өскелең ұрпақты рухани жағынан тәрбиелеп, тағдыр төлкегіне ұшырап, атаның қарауынсыз қалған балаларға қоғамның назарын аударту үшін 15 қазан – Құрбан Айт мерекесіне орай «Маңғыстау мұнайгаз» АҚ жастары Қоғам департаменттері қызметкерлерінің қаржылай қолдауымен қайырымдылық шарасын ұйымдастырды.

Кез-келген қиын жағдайда адам баласы әр түрлі бағытта көмек қолын соза алады. Біреулер жаны жабырқау жүргендерді жұбата отырып күлкі сыйлауы мүмкін, ал біреулері қиын



сәтте көмек жасайды. Болашағымызға немқұрайлы қарамайтын бірқатар азаматтар балаларға деген сүйіспеншіліктерін білдіріп, аталмыш шара барысында қолдау көрсетті. Олар: «Маңғыстау мұнайгаз» АҚ Әкімшілік мәселелер және әлеуметтік даму департаментінен 21 адам, Сапа және

жобаларды басқару бөлімінен 1 адам, Күрделі құрылыс департаментінен 2 адам, Құқықтық қамсыздандыру және корпоративті басқару департаментінен 1 адам, Бизнес жоспарлау және экономикалық талдау департаментінен 5 адам. Ерікті жастар тобынан құралған топ балалар үйінің бұлдіршіндеріне әртүрлі әдемі шарлар мен тәттілер, және ең бастысы Балалар үйінің өз өтініштеріне сәйкес өден ескірен тосеніші жаңасына ауыстырып, сыйға тартты.

«Қайырымдылық жасасан, қайырым өзін көресің» – дейді халқымыз. Кейінгі кездері біз тек өз проблемаларымызбен ғана жүреміз. Бізді не қобалжытады? Ақша? Атақ? Танымалдылық? Егер бір сәтке ойланп қарасак, бұдан басқа да маңызды нәрселер бар бізде. Олар – біздің бұлдіршіндеріміз – біздің болашағымыз! Осыны ұмытпауымыз керек. Осы орайда, аталмыш шара аталсынқан барлық азаматтар мен азаматшаларға үлкен алғыс айтамыз және осындай шаралар әрі қарай да жалғасын табады деп үміттенеміз.

ПЕЙНТБОЛ –

НЕЗАБЫВАЕМОЕ ПРИКЛЮЧЕНИЕ



В целях повышения корпоративного духа работников АО «Мангистау мұнайгаз» 9 ноября текущего года с участием представителей структурных подразделений Общества, в частности ДПОиКУ, ДМСН, ДЗМТС, ДУЧР, ДПРМ была организована игра в пейнтбол на большой территории с выполнением различных миссий и заданий.

Для любителей активного отдыха и спортивных развлечений, пейнтбол - это просто подарок судьбы. Игра подарит вам массу ярких положительных эмоций и впечатлений, позволит отдохнуть и зарядиться энергией на всю рабочую неделю. Стоит лишь однажды побывать участником игры в пейнтбол, и вы обязательно станете её поклонником.

Многие работники АО «Мангистау мұнайгаз» в тот день впервые надели защитные маски и взяли в руки маркер, стреляющий шариками с краской, и впечатления от игры у всех просто великолепные. В ходе игры работники Общества были разделены на две команды так называемых черных и зеленых, в каждой команде было по 10 человек, игра проходила оживленно и очень интересно.

Приглашаем работников АО «Мангистау мұнайгаз» принять участие в следующих играх.

Н.Н. Таганов,

юрисконсульт отдела разрешения споров ДПОиКУ



Мұнайлы Өлке
 Меншік иесі:
 "Маңғыстау мұнайгаз" АҚ
 Редактор: Есназар Сұлтанов
 Редакция алқасы: А.Ақшаева
 Л.Жолдыбаева
 Р.Ізберген
 Дизайнер-беттеуші: Е.Айтбаев

Мекен-жайымыз:
 130000, Ақтау қаласы
 6 ш.а., №1 үй,
 тел:
 211-736, 212-280,
 212-194, 211-938.
 Газет айына 1 рет
 шығады.
 Тегін таратылады

Газет ҚР
 Мәдениет және
 ақпарат
 министрлігінде
 еселке
 қойылып,
 № 9675 - Г
 күнлігі берілген

■ Газет жарияланымдарындағы автор пікірі редакцияның көзқарасын білдірмейді
 ■ Редакция оқырман хаттарына жауап бермейді және оны қайтармайды
 ■ Жарияланған материалдарды сілтемесіз көшіріп басуға болмайды

Газет АҚ-ның жұртшылықпен байланыс тобының компьютерінде теріліп, беттелді.
 Индекс: 64265
 Таралымы: 2000

"CASPIY PRINT" ЖШС
 баспаханасында
 басылды.
 Ақтау қаласы,
 22 ш.а.
 тел: 750750
 Тапсырыс:
 4920